



BOSNIA AND HERZEGOVINA MINE ACTION CENTRE

Broj: JN1/03-50-5-47/19

Sarajevo, 07.10.2019. godine

Na osnovu tačke IV stav.1 Odluke o osnivanju Centra za uklanjanje mina u Bosni i Hercegovini («Službeni glasnik BiH» br. 15/02 i 44/16), člana 61.stav (2) i 101. stav (2) Zakona o upravi («Službeni glasnik BiH» br. 32/02, 102/09 i 72/17) i na osnovu člana 64. stav (1) tačka (b) i člana 70. st. (1), (3) i (6) Zakona o javnim nabavkama («Službeni glasnik BiH», broj 39/14), na preporuku Komisije za javne nabavke (u daljem tekstu: Komisija) broj: JN1/03-50-5-47/19 od 04.10.2019. godine, pomoćnik direktora za podršku i finansije Centra za uklanjanje mina u BiH na osnovu rješenja o ovlaštenju za potpisivanje pojedinačnih akata broj: DPA/03-07-5-22/19 od 04.10.2019. godine (u daljem tekstu: Ugovorni organ), donosi:

**ODLUKU**

o izboru najpovoljnijeg ponuđača u postupku javne nabavke kancelarijskog materijala za potrebe BHMAC-a

**Član 1.**

**(Predmet Odluke)**

Prihvata se Preporuka Komisije broj: JN1/03-50-5-47/19 od 04.10.2019. godine i ugovor za nabavku kancelarijskog materijala se dodjeljuje najpovoljnijem ponuđaču:

„Exclusive d.o.o.“ Zenica, za ponudenu cijenu u iznosu od **9.395,80 KM bez PDV-a** odnosno **10.993,09 KM sa PDV-om**.

**Član 2.**

Izabrani ponuđač je dužan u roku od tri dana od dana zaprimanja ove Odluke dostaviti original ili ovjerene kopije dokumenata koji su traženi u tenderskoj dokumentaciji (tačka 7.2.).

**Član 3.**

**(Prijedlog ugovora)**

Prijedlog ugovora dostavit će se na potpis izabranom ponuđaču po isteku roka od 10 (deset) dana, računajući od dana kada su svi ponuđači obaviješteni o izboru najpovoljnije ponude.

**Član 4.**

**(Objava Odluke)**

Ova Odluka objavit će se na web-stranici BHMAC-a, [www.bhmac.org](http://www.bhmac.org), istovremeno s upućivanjem iste ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

**Član 5.**

**(Stupanje na snagu)**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

**OBRAZLOŽENJE:**

Postupak javne nabavke pokrenut je Odlukom o pokretanju postupka javne nabavke broj: JN1/03-50-5-47/19 od 04.09.2019 godine.

Obavještenje o nabavci je objavljeno na Portalu javnih nabavki broj: 1407-7-1-44-3-13/19 od 13.09.2019. godine.

Rješenjem broj JN1/03-50-5-47/19 od 24.09.2019. godine imenovana je Komisija za provođenje postupka javne nabavke kancelarijskog materijala za potrebe Centra za uklanjanje mina koja je provela predmetni postupak.

Krajnji rok za dostavljanje ponuda je bio 30.09.2019. godine u 11:00 sati, a javno otvaranje ponuda je izvršeno istog dana u prostorijama Centra za uklanjanje mina u BiH, sa početkom u 11:30 sati što je

konstatovano Zapisnikom sa otvaranja ponuda broj: JN1/03-50-5-47/19 od 04.10.2019.godine, a u istom je utvrđeno sljedeće:

da je blagovremeno pristigla 1 ponuda, da nije bilo neblagovremenih ponuda te da je pristigla ponuda Exclusive d.o.o. Zenica.

Dostavljanje Zapisnika sa otvaranja ponuda izvršeno je prema učesniku postupka nabavke u zakonskom roku.

Nakon izvršenog otvaranja ponude i čitanja cijene navedene u obrascu za cijenu ponude, Komisija je pristupila analizi dokumentacije priložene uz ponudu u smislu provjere njihove validnosti, obzirom na iskazane zahtjeve Ugovornog organa u tenderskoj dokumentaciji, odnosno vrednovanju ponude u skladu sa pravilima i procedurama utvrđenim tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima.

Komisija je konstatovala da je navedena ponuda prihvatljiva za ugovorni organ. Imajući u vidu sve navedeno, a posebno činjenicu da je navedena ponuda prihvatljiva u pravnom, tehničkom i ekonomskom smislu i da ispunjava zahtjeve Ugovornog organa, Komisija je pristupila vrednovanju prihvatljive ponude shodno utvrđenom kriteriju: Najniža cijena, te je rang lista za ovaj postupak javne nabavke sljedeći:

1. **„Exclusive“ d.o.o. Zenica** sa ukupnom ponudenom cijenom u iznosu od **9.395,80 KM bez PDV-a** odnosno **10.993,09 KM sa PDV-om**.

Izabrani ponuđač kako je gore navedeno ocijenjen je kao najpovoljniji prema kriteriju “najniža cijena”.

Imajući u vidu da je u ovom postupku primljena samo jedna prihvatljiva ponuda, e-aukcija nije provedena kako je to unaprijed predviđeno, a u skladu sa članom 3. Pravilnika o uslovima i načinu korištenja e-aukcije („Službeni glasnik BiH“ broj: 66/16).

Komisija za javnu nabavku je pomoćniku direktora za podršku i finansije dostavila Izvještaj o ocjeni ponuda s preporukom o izboru najpovoljnijeg ponuđača broj: JN1/03-50-5-47/19 od 04.10.2019 godine. U postupku ocjene provedenog postupka, pomoćnik direktora nije našao nepravilnosti, niti propuste u radu komisije, koji bi predstavljali osnov za neprihvatanje preporuke Komisije za javne nabavke.

Dakle, u postupku je ocijenjeno da je Komisija pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

S obzirom na navedeno odlučeno je kao u dispozitivu.

#### **POUKA O PRAVNOM LIJEKU:**

Pouka o pravnom lijeku: Protiv ove Odluke može ce izjaviti žalba Ugovornom organu, najkasnije u roku od 5 (pet) dana od dana prijema ove Odluke shodno članu 101. stav (5) Zakona. Žalba se podnosi u dovoljnom broju primjeraka, a koji ne može biti manji od tri.

PO OVLAŠTENJU DIREKTORA  
Pomoćnik direktora za podršku i finansije

Damir Šišić

